


DUCK TAPE CU CABEY BLOND HAYA NA BOCA TURTUGA AYERA

Joran hiba panort di Marriott atrobe



Diasabra merdia mas o menos 3.30 or Joran a wordo hiba un biaha mas na lugar unda supuestamente el a laga Natalee Holloway. Esaki un biaha mas pa e duna informacion y indicacionnan di e anochi cu el a laga e mucha muher americano na beach. TOD un biaha mas a saca potretnan di e escena mientras por a ripara cu Mr. de Bie tambe a controla henter e sucedido. El a wordo hiba despues pa warda di polis na Playa y for di eynan mas despues hiba KIA. Tur esaki den cuadro di e cambio di declaracionnan di dje y pa mira si e ta consistente cu locual el a declara anteriormente durante e bishita anterior cu el a haci na e lugar aki, den compania di autoridadnan. Tabata tin abogado presente diasabra pero cu no por a intermedia y mete den e investigacion cu tabata tumando lugar.